



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-218-5/23**
Datum: **09.06.2023. godina**

«Agencija za vodno područje rijeke Save» Sarajevo rješavajući po zahtjevu Investitora „AMILEJ” d.o.o. Sarajevo za izdavanje vodne saglasnosti na projektnu dokumentaciju za ispuštanje tehnoloških otpadnih voda sa lokacije poslovnog objekta za skladištenje opreme za autoservise kao i servisiranje istih u industrijskoj zoni Rajlovac, općina Novi Grad Sarajevo, na osnovu člana 139. stav (1). tačka 3. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi:**

R J E Š E N J E **o vodnoj saglasnosti**

1. Investitoru „AMILEJ” d.o.o. Sarajevo daje se vodna saglasnost za ispuštanje tehnoloških otpadnih voda sa lokacije poslovnog objekta za skladištenje opreme za autoservise kao i servisiranje istih u industrijskoj zoni Rajlovac, općina Novi Grad Sarajevo, a na osnovu projektna dokumentacije:
 - Izvedbeni projekat vanjskih hidroinstalacija, broj: 95-IB-G/22, V/2023. godina urađen od „IBIS” d.o.o., Zavidovići.
2. Projektna dokumentacija navedena u tački 1. ovog rješenja ovjerena u skladu sa odredbama člana 114. stav (3) Zakona o vodama se vraća na trajno čuvanje investitoru i čini sastavni dio ovog rješenja.
3. Vodna saglasnost se donosi na osnovu utvrđenog činjeničnog stanja i pregleda dostavljene projektna dokumentacije iz tačke 1. dispozitiva koja čini sastavni dio ovog Rješenja, prema slijedećim uslovima:
 - 3.1. Radove na izgradnji sistema za prikupljanje, tretman i ispuštanje otpadnih voda sa lokacije predmetnih objekata izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 3.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 3.4. U toku radova iskopani materijal se ne smije ni privremeno odlagati na česticu „vodno dobro”, odnosno u vodotoke i na njegove obale.
 - 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 3.7. Sve kolizije sa postojećim infrastrukturnim objektima (vodovod, elektroinstalacijama, telefon i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 3.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 02/04-19-8660/21 S.I. od 12.01.2022. godine izdata od Službe za urbanizam, stambene, imovinsko-pravne, geodetske poslove i katastar nekretnina, općina Novi Grad, Grad Sarajevo.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezan uzroke štete otkloniti, a procjenjenu štetu nadoknaditi.

5. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
6. U periodu važenja ovog rješenja, Investitor je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko iste nisu u suprotnosti sa uslovima iz ovog rješenja.
7. Ova vodna saglasnost prestaje da važi istekom roka od 2 (dvije) godine od dana njene pravosnažnosti, ukoliko do tog dana nije pribavljeno odobrenje za gradnju i započeti radovi.
8. Vodna saglasnost se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama („Službene novine Federacije BiH“, broj 70/06).

O b r a z l o ž e n j e

Investitor „AMILEJ“ d.o.o. Sarajevo se dana 26.05.2023. godine obratio ovoj Agenciji sa zahtjevom za izdavanje vodne saglasnosti na projektnu dokumentaciju za ispuštanje ispuštanje tehnoloških otpadnih voda sa lokacije poslovnog objekta za skladištenje opreme za autoservise kao i servisiranje istih u industrijskoj zoni Rajlovac, općina Novi Grad Sarajevo.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 065-0-Reg-16-005512 od 24.03.2017. godine izdato od Općinski sud u Sarajevu;
- Kopija Uvjerjenja o registraciji poreznog obveznika izdato dana 14.04.2017.godine od Kantonalni porezni ured Sarajevo;
- Kopija Rješenja o urbanističkoj saglasnosti broj: 02/04-19-8660/21 S.I. od 12.01.2022. godine izdata od Službe za urbanizam, stambene, imovinsko-pravne, geodetske poslove i katastar nekretnina, općina Novi Grad-Sarajevo;
- Zaključak o ispravci greške broj: 02/04-19-8316/22 A.D. od 26.07.2022. godine izdat od Službe za urbanizam, stambene, imovinsko-pravne, geodetske poslove i katastar nekretnina, općina Novi Grad-Sarajevo;
- Kopija Rješenja o izmjeni dispozitiva broj: 02/04-19-13532/22 A.D. od 22.11.2022. godine izdat od Službe za urbanizam, stambene, imovinsko-pravne, geodetske poslove i katastar nekretnina, općina Novi Grad-Sarajevo;
- Kopija Saglasnosti na projektnu dokumentaciju broj: 3148-1/22 od 23.08.2022. godina izdata od KJKP „Vodovod i Kanalizacija“ d.o.o., Sarajevo;
- Kopija Saglasnosti na projektnu dokumentaciju broj: 3148-2/22 od 22.08.2022. godina izdata od KJKP „Vodovod i Kanalizacija“ d.o.o., Sarajevo;
- Ovjerena kopija Odgovor na zahtjev za saglasnost za mogućnost priključka objekta na vodovodni sistem broj: 16708/22 od 03.08.2022 izdat od KJKP „Vodovod i kanalizacija“ d.o.o., Sarajevo;
- Kopija Rješenja o prethodnoj vodnoj saglasnosti broj: UP-1/25-1-40-110-10/23 od 08.05.2023. godine izdato od Agencije za vodno područje rijeke Save, Sarajevo;
- Kopija Rješenja o prethodnoj vodnoj saglasnosti broj: 07-05-21-18081/22 od 28.12.2022. godine izdato od Ministarstva privrede kantona Sarajevo;
- Izvedbeni projekat vanjskih hidroinstalacija, broj: 95-IB-G/22, V/2023. godina urađen od „IBIS“ d.o.o., Zavidovići.
- Izvještaj o izvršenoj kontroli tehničke dokumentacije, broj: 448/23 od 18.05.2023. godina, Maj 2023. godina uaden od „HKP Consulting“ d.o.o., Banja Luka;
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Pregledom tehničke dokumentacije Izvedbenog projekta vanjskih hidroinstalacija, V/2023. godina broj: 95-IB-G/22 utvrđeno je da ista nije urađena u skladu sa Rješenjem o predhodnoj vodnoj saglasnosti broj: UP-1/25-1-40-110-10/23 od 08.05.2023. godine i istu je bilo potrebno dopuniti sa:

- Na Situaciji jasnije prikazati sam separator (jasnije definisati ulaz i izlaz iz separatora). U Izvedbenom projektu je dat detalj separatora grafički prilog 13. gdje se vidi da ulaz otpadne vode je u istom pravcu dok je na Situaciji postavljen pod uglom od 90°stepeni.

Na osnovu naprijed navedenog Investitoru je vraćen Izvedbeni projekat aktom broj: UP-1/21-2-40-218-2/23 dana 01.06.2023. godine u kome je dat rok za dostavu dopunjenog Izvedbenog projekta. Investitor je u datom roku dostavio aktom bez broja dana 08.06.2023. godine traženu dopunu.

Na osnovu dostavljene dokumentacije uz predmetni zahtjev od strane stručnih osoba Agencije sačinjeno je Stručno mišljenje broj: UP-1/21-2-40-218-4/23 od 09.06.2023.godine kojim je utvrđeno da je dostavljena Investiciono-tehnička dokumentacija, Izvedbeni projekat vanjskih hidroinstalacija, broj: 95-IB-G/22, V/2023. godina urađen od „IBIS“ d.o.o., Zavidovići urađena u skladu s uslovima utvrđenim prethodnom vodnom saglasnošću broj: UP-1/21-1-40-110-10/23 od 08.05.2023.godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu naprijed navedenog, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova u skladu sa članom 114. Zakona o vodama i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić Dž., dipl.iur.

Po ovlaštenju
Rukovodilac Sektora za izdavanje vodnih akata

Mariš Aršehović, dipl.ing.građ.

Dostaviti:

- „AMILEJ“ d.o.o.

Ul. Humačka ploča br. 12., Sarajevo (PRILOG: ovjeren PROJEKAT i Izvještaj)

- AVP Sava, ISV-vodna knjiga,

Ⓢ Sektor 40 – arhiva

-Oglasna tabla AVP Sava-Sarajevo